



Na osnovu IV.B. Ustava Federacije Bosne i Hercegovine, *donosim*

ODLUKU
o kriterijima, načinu i postupku raspodjele sredstava
„Tekući transferi neprofitnim organizacijama“ za 2021. godinu

I. OSNOVNE ODREDBE

Član 1.
(Predmet)

Ovom odlukom utvrđuju se kriteriji, uslovi i način raspodjele sredstava „Tekućih transfera neprofitnim organizacijama“ odobrenih u Budžetu Federacije Bosne i Hercegovine za 2021. godinu i Zakonu o izvršenju Budžeta Federacije Bosne i Hercegovine za 2021. godinu („Službene novine Federacije BiH“, broj: 04/21) na poziciji Kabineta potpredsjednika Federacije BiH, razdjel 11, glava 1102, pozicija tekući transferi u iznosu od 60.000,00 KM.

Član 2.
(Korisnici sredstava)

Pravo na dodjelu sredstava iz člana 1. ove Odluke imaju registrovane neprofitne organizacije, udruženja građana, fondacije na području Bosne i Hercegovine u skladu sa Zakonom o udruženjima i fondacijama Bosne i Hercegovine ("Službeni list BiH", br. 32/01, 42/03 i 63/08), entitetskim Zakonima o udruženjima i fondacijama.

Član 3.
(Predmet finansiranja)

Odobrovanje sredstava „Tekući transferi neprofitnim organizacijama“ za 2021. godinu, vršit će se za:

- materijalnu podršku projektima i manifestacijama u organizaciji predloženim od strane civilnog sektora (udruženja, organizacije, fondacija a značajni su za građane, institucije i organe na nivou Bosne i Hercegovine);
- podršku za projekte organizacija u oblasti kulture, sporta, nauke, umjetnosti, kao i značajne manifestacije i projekte za očuvanje i promociju historijskih i državnih tekovina;
- projekte/programme koji daju doprinos jačanju nacionalne i vjerske tolerancije;
- projekte koji daju doprinos uspješnom prezentiranju i afirmaciji Bosne i Hercegovine u okruženju i svijetu;
- finansijska podrška/pomoć u radu udruženja.

II. KRITERIJI ZA DODJELU SREDSTAVA

Član 4.
(Kriteriji vrednovanja i bodovi koje nose)

Sredstva iz tekućih transfera za 2021. godinu dodjeljivat će se prema općim i posebnim kriterijima propisanim ovom Odlukom, u zavisnosti za koju oblast su sredstva namijenjena.



(1) Opći kriteriji:

Dokumentacija potrebna za razmatranje zahtjeva:

- 1) Rješenje o registraciji udruženja/fondacije u skladu sa zakonima bilo kojeg nivoa vlasti u Bosni i Hercegovini;
- 2) Uvjerenje o poreskoj registraciji (identifikacioni broj);
- 3) Kopija ugovora s bankom o otvaranju transakcijskog računa;
- 4) Detaljno obrazloženje programa ili projekta za koji se traži finansiranje, odnosno potrebe za realiziranjem istog;

(2) Posebni kriteriji:

2.1 Da projekti/programi obilježavaju značajne datume vezane za državnost Bosne i Hercegovine, da imaju za cilj očuvanje i njegovanje tradicija oslobodilačkog rata, da su postali tradicionalni, te da uživaju ugled i interes kod javnosti kroz organizovanje akademija, marševa, posjeta istorijskim mjestima, organizaciju susreta i sportskih (memorijalnih) turnira;

2.2. Da su manifestacije od posebnog interesa za Kanton, Federaciju Bosne i Hercegovine i samu Bosnu i Hercegovinu i da kroz kontinuitet održavanja (tradicionalnost) doprinose popularizaciji i podizanju kvaliteta življenja;

2.3 Da su projekti koji prezentiraju i promovišu očuvanje i njegovanje tradicija oslobodilačkog rata, vjerske i kulturne manifestacije posjeduju kvalitet projekata i programa produkcije, prezentacije i afirmacije predloženih projekata;

Član 5:

(Bodovanje posebnih kriterija)

Bodovanje kriterija iz člana 4. (2) 2.1. nosi sljedeći broj bodova:

- | | |
|--|------------------|
| - ako je manifestacija od značaja na državnom nivou | 10 bodova |
| - ako je manifestacija od značaja na federalnom nivou | 8 bodova |
| - ako je manifestacija od značaja na kantonalnom nivou | 6 bodova |
| - ako je manifestacija od značaja na općinskom nivou | 4 boda |
| - ako je manifestacija od značaja za užu zajednicu | 2 boda |

Bodovanje kriterija iz člana 4. (2) 2.2. nosi sljedeći broj bodova:

- Realizacija projekta od interesa za građane Bosne i Hercegovine, odnosno društvena opravdanost potrebe za realizacijom navedenog programa, **2 boda**
- Podaci o dosadašnjem projektima i rezultatima, priznanjima i sl. **2 boda**

Bodovanje kriterija iz člana 4. (2) 2.3. nosi sljedeći broj bodova:

- organizovanje akademija, okruglih stolova, seminara, marševa, posjeta istorijskim mjestima, organizacija susreta i sportskih (memorijalnih) turnira, koji su postali tradicionalni; **6 bodova**
- njegovanje kulturne baštine **5 bodova**
- poticaj mladih u kulturnom i vjerskom stvaralaštvu **4 boda**
- stalne kulturno - vjerske manifestacije **3 boda**
- udio vlastitih sredstava u predmetnom projektu **2 bod**



Član 6.
(Iznos ukupnih sredstava)

Ukupno raspoloživa sredstva „Tekućih transfera neprofitnim organizacijama“ za 2021. godinu iznose 60.000,00 KM i nalaze se na poziciji tekućih transfera Kabineta potpredsjednika Federacije BiH -1102.

III NAČIN DODJELE SREDSTAVA

Član 7.
(Raspodjela sredstava)

Ukupna sredstva „Tekućih transfera neprofitnim organizacijama“ za 2021. godinu u iznosu od 60.000,00 KM raspodijelit će se na sljedeće pozicije u programu:

- 1) Finansiranje kulturnih i vjerskih projekata i manifestacija
- 2) Finansiranje sportskih projekata i manifestacija
- 3) Finansiranje promocije zdravstva

Član 8.
(Potrebna dokumentacija)

1. Zahtjev za dodjelu novčanih sredstava iz „Tekućih transfera neprofitnim organizacijama“ za 2021. godinu dostavlja se Kabinetu potpredsjednika Federacije BiH – 1102.

2. U zahtjevima se navode ciljevi i namjene za koje se traže sredstva iz „Tekućih transfera neprofitnim organizacijama“ za 2021. godinu kao i obrazloženje u čemu se sastoji društvena opravdanost i potrebe za realizacijom navedenog programa;

3. Organizacije koje apliciraju za dodjelu sredstava, dužna su, uz zahtjev dostaviti sljedeću dokumentaciju:

1. Rješenje o registraciji podnosioca zahtjeva;
2. Uvjerenje o poreskoj registraciji;
3. Kopija ugovora s bankom o otvaranju transakcijskog računa;
4. Detaljan program ili projekat za koji se traži finansiranje;
5. Podaci o realizaciji dosadašnjih projekata/programa od dana osnivanja do dana podnošenja zahtjeva;

Član 9.
(Imenovanje i zadaci Komisije)

Potpredsjednik Federacije BiH rješenjem imenuje Komisiju za razmatranje primljenih zahtjeva po osnovu „Tekući transferi neprofitnim organizacijama“ za 2021. godinu.

Zadatak Komisije je da razmotri zaprimljene zahtjeve, izvrši bodovanje za svaki pojedinačni prispjeli zahtjev, sačini Izvještaj o ocjeni prispjelih zahtjeva za tekuće transfere za potpredsjednika Federacije BiH i dostavi na odobrenje.

Nakon dostavljenog i odobrenog Izvještaja potpredsjednik FBiH donosi Odluku o dodjeli tekućeg transfera podnosiocima zahtjeva koji su ispunili uslove.

Komisija zadržava pravo da provjeri tačnost podataka navedenih u zahtjevu, te ukoliko su navedeni podaci netačni, zahtjev odbaci.



Potpredsjednik

Vice – President

Komisija neće razmatrati nepotpune prijave.

Član 10.
(Način bodovanja)

- (1) Bodovanje podnesenih zahtjeva Komisija za razmatranje zahtjeva „Tekući transferi neprofitnim organizacijama“ za 2021. godinu će izvršiti na osnovu Obrasca sa tabelom za bodovanje koji će sačiniti Komisija.
- (2) Članovi Komisije za razmatranje zahtjeva po tekućem grantu za „Tekući transferi neprofitnim organizacijama“ za 2021. godinu pojedinačno će izvršiti bodovanje potpunih zahtjeva.

Član 11.
(Podnošenje izvještaja)

Korisnici sredstava iz člana 1. ove Odluke dužni su Kabinetu potpredsjednika Federacije BiH dostaviti izvještaj o namjenskom utrošku sredstava u roku od 6 mjeseci po prijemu novčanih sredstava.

IV. PRIJELAZNE I ZAVRŠNE ODREDBE

Član 12.
(Stupanje na snagu)

Ova Odluka stupa na snagu danom donošenja.



Potpredsjednik
Federacije Bosne i Hercegovine
Melika MAHMUTBEGOVIĆ

Broj: 02-11-5-48-03/21
Sarajevo, 26.01.2021.

Dostaviti:

- Odjelu za opće, zajedničke i finansijske poslove
- Arhivi